

# Museo Arqueologico Aruba ta gradici tur cu a yuda cu e celebracion di inicio 'Museo Nacional Aruba'



## ORANJESTAD

Resientemente, diamars atardi, ora solo tabata baha, a celebra inicio di e proyecto di restauracion 'Museo Nacional Aruba'. Dilanti

di e edificionan 'Ecury' na Schelpstraat a tuma lugar un ceremonia simbolico pa asina gradici un y tur cu den un manera of otro a duna nan sosten y apoyo pa e proyecto

aki realiza.

Pamás cu 15 añacaba e tabata e soño di diferente hende pa Museo Arqueologico Aruba (MAA) haya su cas na e edificionan Ecury.



Sr. Evelino Fingal, prome director di MAA, a inicia e proyecto na 1989 y na año 1993 Fondo Europea pa Desaroyo a muestra interes pa financia gran parti di e

proyecto aki. Cuater año despues gobierno di Aruba a cumpra e edificionan di e famia Ecury. E edificionan aki, cu ta inclui e cas natal di nos heroe 'Boy Ecury', awor ta ser restaura pa asina nos herencia arqueologico haya un lugar adecuado y digno pa ser conserva y expone pa un y tur por disfruta di dje. UNOCA lo financia e parti di e exposicion.

Pa medio di e comunicado aki Museo Arqueologico Aruba ta gradici tur persona y instancia cu a yuda cu e proyecto. Tambe kier duna un palabra di danki na tur cu a yuda cu e celebracion unico. Un danki special ta bay na sr. John Flemming pa e parti di e set-up, na sr. John Freddy Montoya pa e creacion y coordinacion di e ceremonia simbolico y na Popcorn dancers pa nan bunita presentacion. Danki na sr. Ruben Trapenberg pa e bunita naracion y na Cindy, Thialah y Stacy-Ann pa nan participacion na e ceremonia. Danki tambe na e muchanan di Casey y su grupo, di cual integrantenan ta varia den edad di 7 pa 9 año, cu a deleita e invitadonan na yegada y despues di e programa oficial. Danki na Oficina di Monumento y DOW pa nan cooperacion.